

A Peticion Popular!

Nos ta introduci nos BK Pastechi

Cuminsa bo dia cu e dushi sabor di keshi, ham & keshi of carni.



Purba nos otro desayunonan



LANTA CU THE KING

Oranjestad Tel: 583-5398 San Nicolas Tel: 584-4972

Rainbow Warriors kier pueblo lanta caso contra algun periodista Mericano


Operacion "Rescate" a worde lanza

ORANJESTAD (AAN): Di parti e organizacion local, Rainbow Warriors International, como organizacion di derecho humano, nan ta keda asombra di mira con den e proceso di suministra informacion y e operacion di prensa internacional na Aruba no ta atende ningun regla local, ni Mericano, ni internacional pa loke ta funcionamiento y permiso pa prensa por opera riba teritorionan ahenos.

Segun e presidente Milton Ponson, ta asina cu por ehemplo pa tur prensa Mericano na Merca mes, ora cu kier transmiti en vivo cu señal di TV of Radio, e planta emisora mester tin permiso si ta un National Network di tanto FCC como autoridadnan competente di e estado na unda e medio di comunicacion ta opera.

Fuera di esey, tin un cantidad extenso di reglanan tanto na nivel Federal como nivel di Estadonan Individual cu ta stipula kico no mag worde menciona y/o divulga na medionan di prensa den investigacionnan penal of civil. Ta parce cu autoridadnan aki na Aruba y en particular Gobierno, a laga prensa Mericano hunto cu FBI dreña y no a stipula ningun regla con pa comporta y con pa funciona riba teritorio nacional di Aruba, unda tambe tin legislacion cu ta bisa y restringi kico ta posible y kico ta e restriccionnan segun Constitucion riba libertad di prensa.

Un factor adicional cu ta empeora e cobertura negativo den prensa Mericano, ta e hecho cu den aña di campaña electoral,



tanto pushi y cachu den Gobierno kier haya nan 15 seconde di fama y papia dilanti TV Mericano. Ta asina cu den cualkier otro pais, investigacion penal of di Polis, e informacion ta worde suministra door di vocero di Polis. Pero aki na Aruba, ta "voceronan" cu no tin formamento of preparacion basico den e ramo di medio, ta papia disparate y riba esey den un ingles kibra cu acento, poniendo cara di Aruba den su totalidad na berguena.

E organizacion di RWI ta conciente como uno di derecho humano di kico ta e libertadnan y kico ta restriccion di libertad di prensa riba continente Americano. Nos ta kere cu a yega ora pa Gobierno hunto cu gremio sinta na mesa, y dicidi di awor en adelante, ta kende ta autoriza pa papia na nomber di pais Aruba. Si acaso ta investigacion ta worde haci pa Ministerio Publico y Polis, no ta na su lugar pa laga un Mandatario papia, como cu Trias Politica ta papia bon cla cu Poder Ejecutivo tin nada di haber cu Poder Hudicial, pues no tin derecho tampoco di papia pa Poder Hudicial.

Pa loke ta e medionan na

Merca cu kier dañá nos nomber, RWI ta propone "Operacion Rescate", na ingles ta "Tongue-in-Cheek", pa duna e periodistanan cu no kier scucha, un cuki di nan mesun mansa. Ta propone pa den e comunidad haya un par di persona clave pa sinta hunto y papia riba ceramento di un fondo pa hiba cierto periodistanan na Merca dilanti Corte. Personanan manera Bill O'Reilly, unavez cu tin un demanda di daño y perhuicio di 50 milyon contra dje, lo pensa dos biaha prome cu e sigui cu su campaña di difamacion, como cu e doño di network lo no lage sigui asina.

No ta spera ningun iniciativa asina di Gobierno di Aruba, como cu e reputacion di e isla ta concerni e pan di tur dia di tur hende, ta demasiado peligroso pa confia nos politiconan pa rescata nos isla, prome cu ta demasiado laat. Pesey Rainbow Warriors ta propone e Operacion Rescate, pa duna Aruba back su dignidad y para e informacion negativo cu ta saliendo for di Aruba, door di para e 'lenganan los' den Gobierno mes cu ta papia ora nan no ta autoriza pa papia.

Pa cumintamento di otro siman, lo duna informacion mas extenso pa splica con lo hiba prensa na Merca dilanti Corte. Tambe pa recauda fondo pa busca abogado y asina na nomber di henter comunidad, para e speed di periodistanan na Merca cu ta kere cu nan por haci of deshaci di Aruba. E kier corda tur Arubiano cu den e Himno tin un frase, "Aruba, no tin nada pa kibre".

Lector ta referi na "Raul"...

Cable TV no por pone Fox News Channel pa pueblo?

ORANJESTAD (AAN): Varios lector a yama y ta pidi na DIARIO, pa check si Cable-TV di Aruba por pone e señal di Fox News Channel riba e red local.

Tur hende na Aruba conoce CNN desde decada di 80 caba, y awor nan ta usa e lema di "The Most Trusted Name in News".

Pero awor tin Fox News Channel, un canal mas conservativo pero agresivo, y nan lema ta "The Most Powerfull Name in News".

Un lector hasta a bisa, cu e ta kere cu ta un hefe grandi, esta "Raul" di Cable-TV na Aruba awor tin e poder den su man, pa por fabor pone e canal di FNC aki riba cable.

"E por haci esey sikiera temporal na canal 58," e lector a comenta. El a splica cu el a haya chance di wak un videotape di e canal aki, y el



a keda asombra y encanta cu e forma cu Fox ta usa pa presenta su noticia.

E ta spera cu "Raul" por haci algo pa Fox News Channel riba Cable. E ta bay wak si acaso "algo" por aparece riba canal 58 e dianan aki.

Riba e potret aki por mira un cameraman di Fox News Channel, basa for di e Miami Bureau kende ta na Aruba aworaki.

Tati, bo sa?

Mi ta stimabo hopi.



Doña Arepa

Janki Leendert 247-B, Aruba
Phone 587-4787